

蒙古游牧記卷之十二

平定張 穆譔

光澤何秋濤校

青海額魯特蒙古游牧所在

青海和碩特部

今作霍碩特

在西甯邊外至京師五千七十

里東及北界甘肅西界西藏南界四川袤延二千餘里

本禹貢西戎地

禹貢織皮昆侖析支渠搜西戎卽敘鄭康成曰衣皮之民居此昆侖析支渠搜

三山之野者皆西戎也昆侖謂別有昆侖之山非河所

出者也馬融曰昆侖在臨羌西析支在河關西王氏後

案曰傳記言昆侖凡四處一爲河源釋氏西域記謂之

阿耨達山禹本紀所云昆侖者是也一在海外西海之

南流沙之濱與條支大秦相近禹本紀云去嵩高五萬

里者是也一在酒泉漢志金城臨羌縣西有弱水昆侖

山祠崔鴻十六國春秋張駿時酒泉太守馬岌上言酒泉南山卽昆侖之體周穆王見西王母樂而忘歸謂此山也一在吐蕃劉元鼎謂之悶摩黎山東距長安五千里其非禹貢之昆侖明甚鄭意蓋以臨羌之昆侖爲西戎所居與馬合逸周書王會解正西有昆侖等九國孔鼂注云九者西戎之別名是也鄭以析支渠搜皆山名馬云析支在河關西者水經注云自析支以西濱於河首羌居其右河水東流屈而東北逕於析支之地是爲河曲矣後漢西羌傳云西羌之本出自三苗其國近南岳及舜流四凶徙之三危河關之西南羌地是也濱於賜支至平河首縣地千里皆羌地賜支者禹貢所謂析支者也南接蜀漢徼外蠻夷西北接鄯善車師北音讀析如賜故一作賜支其地後爲党項所居通典云党項羌在古析支之地漢西羌之別種北連吐谷渾是也漢河關縣在今西甯府西甯縣西南塞外地也渠搜亦西戎周書王會云渠搜以鬬犬孔鼂注渠搜西戎之別名也是也

夏殷周皆屬西羌

詩商頌自彼氏羌莫敢不來享也莫敢不來王書牧誓有羌鬍後

漢書羌無弋爰劍者秦厲公時入三河閒諸羌推以爲豪至曾孫忍忍子研至豪健故羌中號其後爲研種

漢爲張掖武威金城隴西四郡之西塞外及蜀郡之北

徼外屬先零燒當等諸羌地

後漢書西羌傳武帝時先零與封養牢姐種結盟與

匈奴通漢遣將軍李息郎中令徐自爲將兵擊平之始置護羌校尉羌乃去湟中依西海鹽池左右宣帝時先

零種豪度湟水與諸羌寇金城遣趙充國破平之至研十三世孫燒當立元帝時三姐等七種羌寇隴西遣馮

奉世擊降之從爰劍種五世至研研最豪健自後以王研爲種號至燒當復豪健其子孫更以燒當爲種號

莽時始置西海郡

漢書王莽傳莽遣中郎將平憲等持金幣誘塞外羌豪良願等獻鮮水海

允谷鹽池莽受所獻地爲西海郡

後漢書西羌傳莽西海郡五縣

所居

後漢書西羌傳自爰劍後子孫支分凡百五十種其九種在賜支河首以西及在蜀漢徼北其五十

二種衰少不能自立其八十九種惟鍾最強盛發羌唐旄等絕遠求嘗往來犂牛白馬羌在蜀漢其種別名號

皆不可紀知也

東晉以後又爲吐谷渾所據

晉書西戎傳吐谷渾慕容廆之庶長

兄也。父涉歸，分部落一千七百家以隸之。涉歸卒，鹿嗣二部馬門吐谷渾乃度隴而西。其後子孫據有西零以西甘松之界，極乎白蘭數千里。以吐谷渾為民，周書異域傳自吐谷渾至伏連籌十四世，伏連子夸呂始自號為可汗。治伏俟城，在青海西十五里，東西三十里，南北千餘里。隋大業五年，平土谷渾。

置西海河源等郡。隋末，吐谷渾復據其地。隋書煬帝紀大業五年置

西海河源郡善且末等四郡。又吐谷渾傳煬帝令觀王雄宇文述擊伏允，大破其眾。其故地皆空。自西平至臨羌城以西，且末以東，祈連以南，雪山以北，東西四千里，南北二千里，皆為隋有。置郡縣鎮戍。大業末，伏允復其

故地。唐初，擊破之。唐書吐谷渾傳伏允相天柱王用事拘天子行人貞觀九年詔李靖為西海道

行軍大總管，侯君集、李道宗、李道彥、李大亮、高甌生並為總管，擊土谷渾，分二軍。靖與大亮、薛萬均以一軍趣北出其右，君集、道宗以一軍趣南出其左。靖破天柱王部落於赤海，伏允走圖倫磧，萬均又追破之。君集、道宗行空荒之地二千里，盛夏降霜，乏水草，士糜冰，馬秣雪，閱月次星宿川，達柏海上，望積石山，觀覽河源，馳破虜

車重兩軍會於大非山破邏真谷伏允子順斬天柱王奉國降伏允懼遁磧中自盡詔封順西平郡王號趙胡

呂烏足龍朔三年吐蕃滅吐谷渾盡有其地唐書吐谷

渾居甘松山之陽洮水之西南抵白蘭地數千里自晉永嘉時有國至龍朔三年吐蕃取其地凡三百五十年

及此封宋亦爲吐蕃地元爲貴德州及吐蕃朵甘思等嗣絕矣

處屬吐蕃等處宣慰司明爲西番地一統志明洪武十六年青海酋長史

刺巴等七人來歸賜文綺寶鈔青海又曰西海水艸正豐美番人環居之專務畜牧日益繁滋素號樂土

德四年始爲蒙古部酋所據名爲海寇一統志蒙古亦

廝獲罪其主擁眾西奔瞰知青海饒富襲破之大肆焚掠番人多遠徙其留者反爲所役屬自是甘肅西甯始

有海寇之患正德九年總制彭澤擣其巢寇遁走烏思藏及大軍還亦不刺仍返海上惟阿爾禿廝遁去嘉靖

八年洮岷諸番數犯邊九年總制王瓊且撫且剿洮岷獲甯而西甯仍苦寇患惟卜兒孩一枝斂眾自保後北

部俺荅。又羨青海富饒。攜子賓圖丙免等數萬眾。襲據其地。卜兒孩竄走。已而俺荅引去。留丙免據青海。隆慶中。俺荅受封順義王。西甯亦安。自丙免據青海後。俺荅從孫切盡台吉火落赤及兄子永邵卜同居青海。萬厯中。又時時寇邊。爲患勢亦駭衰。國初。顧實汗自西北侵有其地。顧實

汗者。元太祖弟哈布圖哈薩爾七傳至阿克薩噶勒泰。

子二。長阿魯克特穆爾。今內札薩克科爾沁札賚特杜

爾伯特。郭爾羅斯。阿魯科爾沁。四子部落。茂明安。烏喇

特。八部。其裔也。次烏魯克特穆爾。九傳至博貝密爾咱。

稱衛拉特汗。子哈尼諾顏洪果爾繼之。有子六。圖魯拜

琥。其第四子也。號顧實汗。既據有青海。青海在西甯邊外四五百餘里。

古名西海曰鮮水海。亦曰仙海。古音讀西如鮮。如仙。故先零亦謂之西零也。漢書地理志金城郡臨羌。西北至

塞外有仙海鹽池。趙充國傳：酒泉太守辛武賢奏言：可分兵出張掖、酒泉，合擊罕开，在鮮水上者。又上以書敕讓充國曰：鮮水北去酒泉八百里，又充國上屯田，奏曰：治隍陘以西道橋七十餘所，令可至鮮水。又王莽傳：中郎將平憲等奏言：羌豪良願等願爲內臣，獻鮮水海允谷鹽池。平地美艸，皆予漢民。北魏始名曰青海，亦謂之卑禾羌海。水經注：湟水東逕西海鹽池北，又東南逕龍夷城，又東逕卑禾羌海。北有鹽池，闕駟曰：臨羌縣西有鮮禾羌海，世謂之青海。東去西平二百五十里，是也。海周回七百五十餘里，中有二山，一曰魁孫陀羅海，峯巒巒純白，上有小廟，廟內番僧於冰合時出取一年之糧，入居焉。一曰察罕哈達，近西岸，其峯卑小，多土少石。二山東西對峙，水色青綠，中流高起，冬夏不枯不溢。魏書吐谷渾傳：青海周回八百餘里，明統志：青海方數百里，有魚無鱗，皆負黑點，西游葦疑。三字七十二道水，滙爲西海。冬夏不溢不乾，自日月山望之，如黑雲冉冉而來，以今證古載記略同也。惟海中古出名馬，今則未聞。魏書吐谷渾傳：海內小山，每冬冰合處，以良牝馬置此山，至來春收之，馬皆有孕，所生得駒，號爲龍種，必多駿異。吐谷渾嘗

得波斯草馬放入海。因生驄駒。能日行千里。世傳青海
驄者是也。隋書煬帝紀。大業五年。置馬牧於青海渚中。
以求龍種。無效而止。然則天馬來西。信屬太乙奇況矣。
青海番名庫庫諾爾。舊圖作呼呼腦兒。元史憲宗紀。四
年。甲寅。會諸王於顙顙腦兒之西。乃祭天於日月
山。顙顙今亦譯改爲庫庫。蓋已確知其爲青海矣。而并
改金山以北之稱海爲青海。斯大謬耳。本朝雍正二
年。大軍征賊黨阿喇布坦溫布等。追至諾爾北岸伊克
哈爾吉河。時人馬渴甚。求水不得。忽有泉從營前涌出。
成溪。士馬就飲。得不困。眾歡呼奮勇。遂獲賊首。督臣以
青海效靈奏聞。詔封青海之神。立碑致祭。文曰。
惟神位協坎維。德符兌澤。鯨波萬頃。縈回環昧谷之鄉。
鯢浪千重。衍溢被流沙之域。屬幅員之縣互。徧莪桑麻。
沂潮汐之往來。周茲墳壤。曩以天戈奮武。川后效靈。涌
泉驚疏勒之奇。飲馬屈元冥之候。爰從顯號。式拊豐碑。
朕眷乃神功。昭茲美報。涵濡布潤。禱祈既洽。於輿情。芬
苾薦誠。望秩宜歸。於祀典。祇申秋享。特詔祠官。於戲配
殷禮。於瀆宗。具著隆文之備。助資生於邊徼。永徵靈貺
之長。恪奉明禋。尙其來格。檢討李學錦詞也。理藩院則
例。青海年例祭海。該處王公等例。應齊集陪祀。無故不

到者由該大臣奏罰札薩克俸三年其故城有西
海郡城二一爲王莽置在青海東漢書王莽傳元始五
年羌豪良願獻鮮水海允谷鹽池爲西海郡後漢書西
羌傳王莽諷諸羌使共獻西海之地初開以爲郡築五
縣邊海亭燧相望及莽敗眾羌遂還據西海永元時西
海及大小榆谷左右無復羌寇喻糜相曹鳳上言宜及
此時建復西海郡於是拜鳳爲金城西部都尉將徙士
屯龍耆永初中諸羌叛乃罷魏志郭淮傳正始九年涼
州名胡治無戴圍武威淮進軍趨西海與戰於龍夷之
北破走之水經注河水又東自河曲逕西海郡南又湟
水東南流逕龍夷城故西零之地也十三州志曰城在
臨羌新縣西三百一十里王莽納西零之獻以爲西海
郡治北城一爲隋置在青海西十五里卽吐谷渾之伏
俟城魏書吐谷渾自正光後關徼不通伏連籌子夸呂
始自號爲可汗居伏俟城在青海西十五里雖有城郭
而不居恆處穹廬隋書地理志大業五年平吐谷渾置
鄯善郡并置且末西海河源總四郡西海郡置在古伏
俟城卽吐谷渾國都統宣德威定二縣唐書吐谷渾傳
隋煬帝破其眾置郡縣鎮戍隋亂因得復故地李靖傳
軍次伏俟城吐谷渾退保大非川是也有河源故郡在

青海南本吐谷渾赤水城隋大業五年置唐初廢隋書
宇文述傳述以兵屯西平臨羌城吐谷渾西遁追至曼
頭城攻拔之至赤水城復拔之地理志河源郡置在古
赤水城有曼頭城統達化赤水二縣其山有十三山
曰阿木尼塞爾秦山在青海東南曰阿木尼末倫山在
青海東曰阿木尼那凌通布山在青海西南其峯尖直
故名曰阿木尼巴延尊崔山曰阿木尼洞舒山曰阿木
尼天沁察罕山其峯甚峻無雪而白故名曰阿木尼兀
善通布山皆在青海西北曰阿木尼厄枯山在青海西
北二百餘里其山甚大曰阿木尼巴爾布安山在青海
西其峯高險色黑故名曰阿木尼岡噶爾山在青海東
北近甘涼二州之邊又名龍壽山曰阿木尼巴延哈拉
山在涼州邊外又名大荒山曰阿木尼扣官古爾板山
在黃河東岸哈爾吉山東山有二峯獨高積雪不消其
一爲阿木尼麻禪母孫山卽大雪山也番語稱祖爲阿
木尼西海十三山番俗皆分祭之而以大雪山爲最四
時禱祀焉又有察罕陀羅海烏爾圖山在青海西南烏
爾圖凡環繞青海之濱者亦有十三山土人皆名烏爾
圖謂之十三角云又有漢陀羅海山在青海南二百餘
里曠野中有索克圖山在青海西其西南五十里又有

一索克圖山地多瘴氣兼生毒艸有烏克陀羅山高峯壁立在青海西南有固爾班伊瑪圖山在黃河西岸青海西南三百餘里三山相接皆名伊瑪圖繞濁羅池西有蘇羅巴顏喀喇山在伊瑪圖山東北有石崖色黑多冷瘴故名其岡嶺有巴爾陀羅海岡在青海南百里黃河北岸有巴漢哈圖嶺近青海南岸有伊克哈圖嶺在巴哈圖嶺東有察察嶺在巴哈圖嶺西南有納布楚爾嶺在察察嶺東有蘇羅嶺在青海南少西二百餘里卽蘇羅巴顏喀喇山之東支有登諾爾台嶺在黃河西岸蘇羅嶺東有忒們呼圖嶺在拖孫池東南東北去蘇羅嶺百餘里有海努克嶺在青海東南有布呼圖嶺在青海東北有烏蘇圖搜吉嶺在青海西百餘里有殷得爾碧柳圖嶺在青海西南相近又有好來嶺有烏蘭布拉克嶺在青海西南二百餘里其水有和爾河在青海東南源出納拉薩拉嶺西北流一百餘里入青海有哈爾濟河在青海北少東源出青海北岸哈爾濟山東南流入十餘里入青海有伊克烏蘭和碩河在青海北源出巴顏山南流八十餘里入青海其西七十餘里有巴哈烏蘭和碩河南流六十餘里入青海有布喀河詳北右末旗下其池有巴顏池在青海東南周四

十餘里有多羅池在青海西南三百五十餘里周一百五十餘里

分部眾爲左右二翼

子十人領之左境東自西甯邊外棟科爾廟

舊圖作冬科拉廟又

作董郭爾廟在喇沙爾閭門外博羅沖克克必拉北界

西至嘉峪關邊外洮賚河

界八百餘里

洮賚亦作滔來陶賴討來在肅州南下流合張掖河卽古呼蠶水也漢書地理志福

祿縣呼蠶水出南羌中東北至會水入羌谷寰宇記呼蠶水名潛水俗謂之福祿河西南自吐谷渾界流入

肅州志討來河水與城東水磨渠同派至威虜城又名廣福渠又東至岔口與鎮夷黑河合流一名天倉河在

衛東北三百里一統志按輿圖今討來河發源州西南五百餘里番界中有三派最西曰討來河其西又有哈

土巴爾呼河北流百餘里與討來河合又東北百餘里南有巴哈額濟內二河分流二百里許合流又北數十

里與討來河會爲一又東北流二百餘里入邊繞州南至州東北合西來之水又東北出邊過金塔寺稍折而

北又轉東與張掖河合又北五百餘里入居延海那彥成平番奏議肅州鎮討賴川馬廠輿圖說討賴川馬

廠距肅州城四百餘里在南山之中其川東西長二百餘里南北寬五六十里不等中爲討賴河兩岸皆艸地營孳九廠分布其間此廠至彼廠相距三四五六十里不等迤南界牌外名素勒地甚遼闊係青海蒙古遠出游牧之地東去巴思洞卽通甘州野馬川西接關外之青頭山從廠北來道路崎嶇兼有瘴氣人馬難行三百里外出山抵金佛寺始平夷坦途也又查辦漢奸摺奏稱此輩奸民多在甘州之邊境野馬川一帶該處毘連甘涼肅三府州南與西甯之大通接壤環山面河東西長徑四五百里向係甘州肅州兩營馬廠地方遼濶其中之野牛溝入寶山等處產有金砂雖經查禁而南自利之所在奸民潛行偷挖聚散無常竟成盜藪而南自西甯邊外博羅充克克北岸博羅充克克河源流詳北後南左翼末旗游牧下

至涼州邊外西喇塔拉界四百餘里東南自西甯邊外

拉喇山

一統志納拉薩拉嶺在西甯邊外八十七里其西有齊布泰爾嶺相近又有哈拉嶺按拉喇山

卽哈拉嶺也

西北至甘州邊外額濟納河四百餘里

額濟納舊圖作

卷一百一十一 特

厄凡餒在阿拉善王旗西界。平番奏議永安營所屬之察漢俄博地方在甘州扁都口外。西接野馬川野牛溝。東連二道溝。羊胸子爲漢奸往來必由之路。迤南伊斯們沁之外。卽係蒙古牧界。東北自永昌

邊外西南至嘉峪關邊外布隆吉爾河岸二千餘里。布隆

吉爾河在今安西州北。卽南籍端水也。漢書地理志。冥安縣南籍端水出南羌中。西北入其澤。元和志。晉昌縣冥水自吐谷渾界流入大澤。東西二百六十里。南北六十里。豐水。艸宜畜牧。一統志。按輿圖及新志。今有蘇賴河。亦名布隆吉河。發源靖逆衛南山。曰昌馬河。北流轉而西。經柳溝衛北。會十道溝水。爲蘇賴河。又西經安西衛北。三里。又西經沙州衛西北。黨河自南來注之。又西流三百里。許豬爲合拉池。其流長七百餘里。池方數十里。卽古南籍端水也。今三衛屯田俱藉此水灌漑。方略。康熙五十四年四月。理藩院議。青海左翼與哈密相近。右境東自棟科爾廟。西至噶斯池界二千五百餘里。噶斯池在黃河上流。鄂靈海東北。固爾班蒙滾陀海山東南六十餘里。有三池。一名鄂博圖。噶斯池。周二十五

里一名多木達噶斯池周十五里一名察罕噶斯池周
十餘里俱在黃河鄂博池之東番名固爾班噶斯池
方略康熙五十三年鑾儀使董大成疏言臣至噶斯口
巡視絕無來往人迹噶斯地勢三面雪山中有一綫水
艸並蘆葦其大路在卜特爾西南走藏東南走青海西
甯大通河半月卽到永固城西北走柴達木吐魯番等
處乃策妄阿喇布坦出入咽喉要路是以臣於九月十
一日移駐得卜特爾五十四年大成又奏言臣於六月
二十二日從肅州出嘉峪關自關至噶斯口三千餘里
行至常馬爾河山水暴發馬匹多傷今於八月十二日
抵噶斯口奉旨自邊上至噶斯口一千七百里
曾經河南達奏過何以稱有三千餘里噶斯口路徑甚
窄策妄阿喇布坦斷不由彼行走今正寒冷之時著董
大成將噶斯口池內放火燒荒領兵回肅州五十五年
七月阿齊圖疏言自噶斯口過達卜遜戈壁南自松潘
有地名噶順可進塞爾騰地方此處當設兵南自松潘
邊外漳臘嶺嶺在生番弓檳地界有漳臘河出其陽西
有漳臘營設遊擊駐防明嘉靖二十年於此築城堡置
官軍雍正七年重脩方略康熙五十七年正月四川

松潘鎮總兵官路振揚疏言松潘所屬黃勝關無斥埃
向於漳臘營設一游擊統兵六百四十駐劄營轄
迤南爲襍谷安撫土司部種繁多俗號勇悍其南境直
抵打箭爐與天全招討司明正土司接壤李殿圖番
行襍詠詩羊嶺驚溪古戰場黃頭九百赭硯房正嘉
撫均無策漳臘何曾是大荒自注前明洪武十二年丁
玉併潘於松置松州衛諸司入貢累朝叛服無常其甚
者宣德年間千戶錢宏調發征交趾激變番人正德年
間松潘熟番八大襍等作亂嘉靖年間土宣無使薛兆
乾與副使李蕃相仇訐糾眾脅僉事王華不從屠其家
惟宏治七年巡撫張瓚破白羊嶺驚溪等三十一寨招
商巴等二十六族皆納款十四年攻青水黃頭諸寨赭
其碉房九百差強人意萬厯年間雪山國師喇嘛等四
十八寨寇漳臘史稱漳臘以北皆爲大荒則當時剿撫
可知自我朝龍安置守漳臘置鎮北至博羅充克克
松潘置丞番人甯謐與齊民無異矣

河南岸千五百餘里東南自洮州邊外達爾濟嶺達爾

濟嶺

卽一統志之托禮嶺也在洮州衛邊外洮河發源西北
處卽西傾山之脊嶺最高大其上平坦艸木茂盛